

taunona'vũ ci mameoi

o'a mocumo na'no noana'ote, pantomo cihi ci isi a'ũmta taunona'vũ ci mameoi ta cou! 'alas'a ahtu teos'ofũ hola emoe'ue'u ta fuengu, la coninoc'o smu'iei to emoonoiei, la kaebu mooyai to aesiesii h'oepona no efo'a ta cou, to hiasi biebimi ho bumemealũa to tesi sii, homo conohie mala na'nosinoc'o zocni 'o lasi teongasi.

mo concí hie, zou ninca eemcu! isi aiti 'o f'uf'ueevi, ma isi meoino tikuzkuzoa, isicu fihi ho yosu'ka, emoe'ue'u to micu a'ũmtacu ceohũ ci hahaengu,

mooyai tomo na'no esmacongo ci h'oepona no efo'a, 'amono'so asngũcu tosmũnũ'ũ, mioc'o miteuhi isicu pap'eta, cu'so aiti! to isi sii to h'oepona, ma aucunuc'o ci isi peuhcuhcueva ci ceoa, ho ma isi'so ebohti ebkoci 'o kahkũmnũ ci fohngu (isi yainca no koyusi-- maa cumac'o namo maica? cic'os'o moatũ'nũ no kua'onga 'ola maica ci hia tasooa!), isi easasa namo yaa evomũa ci patinsoha no fohngu, e'oc'ovi ho meihuhucu ma'e, o'amo aomanate, zou no f'uhno meoiino peohaengu (te asonũ concí kahkũmnũ ci pcoknũ na hia si covhia), cumaa 'e suutmaipcuku! mo aucunu lingki, na topusi monana feofeosũ ,ho poa yupa smaso na hisisi ho

muhmufunu zou mi'usnu ho mooteo. 'o nia ak'i, ohsi la iachia eũsvũsvũta, o'a isi nana iachia cohivite, homonana yupa mi'usnu ho maezo smaso no fatu, ieni tan'e, te peelacu cohivi co mũeona no 'tohngungũ no nia maameoi to na hia a'ũmtũ'so timei.

'omo yonto f'uf'ue to oi'isi ho yaahioa ci 'o'okosi, aiti homo o'te ahtu yuovei, ihecu ta'kuv'a, zou popeoskuna 'o 'iusungu ho poa peecuneni ho aiti, isi aiti 'o isi seo'tũneni to hufu ci yatumayũ, mo tome'tũ'tũyũ, toevavoveic'o ho mumunmuni, ne isicu yunga mo smosonũ smo'oc'o maita'e, ma-- ci 'aico isino yoni 'aptaptaungũ ninca av'u co isi yoni!

na nia noana'o, mo na'no aezuhu na peipeis'ausnasi, maezo smaso ho yupa mi'usnu! zou na eni! mala a'ũmta meoino peesi ta cou, homo mi'usnu ta isi koe'ia, sokoeva ho smoyoa. la aesiesia pahsũsũfta no maameoito ho yainca-- 'teko'so peteoteoiva a'o ci mi'o'so anegu teoteoiva ci yatatiskova", ci'a lano mi'usnu to piepiasi ho buemealũ i'vaveohungu aomotũ'ũ, zou tetola amaka cohivi na eni.

(文章大意 僅供參考) ※字數限 200 字

### 傳奇的長者

以前，鄒族有一位非常傳奇長者！他從不持弓帶槍入山林，總是配掛一把鄒族獵人刀，以佈設傳統鄒式陷阱為樂。某日發現木薯園遭受巨大破壞，探循足跡，施放一門超強之套腳陷阱，前往查巡陷阱區，嚇見全身泥濘，端坐口流白沫泡泡、磨牙噴氣面朝著等候。長者莫名的亢奮，也在石頭上磨刀與之對望。我們古老傳說的誠訓：應以「請您禮讓我，因為我是很溫訓的弱者」對其靈之謙卑溝通。